

K296.1

100

(490:1)

中國方志叢書·華北地方·第四九〇號

據

清·吳喬齡、李棟纂修
乾隆二十一年刊本

影印

河南省

獲嘉縣志

(二)

成文出版社有限公司印行

中華民國六十五年 月臺一版

獲嘉縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證 內版台業字第一一四七號

嘉縣志卷之九

邑令吳都吳喬齡纂修

其防

左阻山陵右倚水澤是爲用武之國而兵以強若獲
平原也無險可恃乃其地四達實爲南北要衝捍禦
可無備乎 國朝裁革衛所額設駐防兵不滿數十
人而簡閱有程克生其勇偃武而未嘗忘武斯銷鋒
卧鼓永慶承平矣志兵防

明史太祖天下既定度要害地係一郡者設所連郡者設
衛大率五千六百人爲衛千一百二十人爲千戶所百二

十有二人為百戶所所設總兵二小旗十夫小聯比以成
軍其軍皆世籍詳見官冊
有寧山衛衛分東西
都督府所屬在外直隸

府志獲嘉縣團操守城民壯一百五十名

有馬二十
八名步行
一百二十二名
內團操五十名

國朝裁革軍衛設駐防把總一員馬步兵三十二名內分
馬兵五名步兵二十名守城十五名防汛十七名

雍正元年奉文添設兵丁五十名續於十年議裁十名現
存四十名

演武場

見公署

墩臺

彥當營墩臺一座駐防步兵二名

墩臺

座駐防馬兵二名步兵三名

大槐樹墩臺

一座駐防

馬兵二名步兵三名

蘇章營墩臺一座駐防步兵二名

獅子營墩臺一座駐防馬兵一名步兵二名

右墩臺五所各建營房五間左右配房各三間大門一間告示房一間烟墩五座牌坊一座

三里堡墩臺一座小申堡墩臺一座新城墩堡南陽屯墩堡沈家庄墩堡花家庄墩堡趙境營墩堡黃練堤墩堡俱廢

新刊芳集三八卷ナ

二ノ

風俗

行於上為政教成於下為風俗風俗之隆替蓋視
政教之得失焉獲嘉地居河朔其人類崇儉樸教
節號為易治然太儉則傷於鄙陋尚氣則習於鬪爭
因其過而裁之以成風俗之美是在於上之發政施
教者志風俗

俗剛強多豪傑

山堂
考索

使氣任俠

文獻
通考

俗尚儉朴不事浮靡

士知節義人多向學

俱見
郡志

禮男子既冠始諱其名而字之亦有戚友誤字相貽者
真筵嘉會祇憑酒食合歡古儀節都廢不行矣

婚禮論門第輩行先問名繼納采雖儉而不缺禮納徵量
夫家有無不苛求而羊酒禮盒必具請期必盛設親迎婿
婦家婦父親為披紅簪花婿先歸婦入門以紅氍藉地
無氍易以布俗云新婦不踏土也下轎拋寶瓶瓶貯五穀
金銀拜堂行合卺禮結髮用夫婦全而有德者三日廟見
拜舅姑父諸尊長歸寧不逾九日亦或有至彌月者
平禮喪之日披髮跣足晝夜不絕哭三日而斂成服受弔
七日為期或三七或五七封柩百日行奠禮始雍髮薙

不拘時臨期啟牀親友祖奠題主祀土必延達尊者
土庶家遵文公禮不作佛事其用浮屠者不過十之一
云
祭禮祭必以時其儀節取文公祠堂祭禮而斟酌之簋用
十有二爵三獻侑食酌酒點茶各循其序豐儉得宜不疏
不數獲之祭禮最為近古

四時俗尚元旦鷄未鳴起櫛沐焚香拜天地家廟當戶置
橫木謂之擋鬼棒撒地以芝蔴稽謂之揣崇婦人有所被
者許拜堂蠟或木架或草圈點燭其上燭見跋方輟拜
牋呈往來交賀至初五日始開市

上元前後各一日皆為燈夕喧鼓樂於中庭曰趁鬼或作紙船以酒醑之投水中任其飄泊曰送窮船此三日內鄉城男婦俱登高阜曰跑冢又曰走百病女子曰嫁著咸歸寧曰叫閨女至十八日各還夫家

十九日為填倉節凡倉廩積貯之處無不張燈光瑩奪目或設祭以祈豐年餽必及牛人

二月二日關帝城隍兩廟開禳猶云開印也農家於是日晏庄客修耒耜驚蟄後聞雷取土辟蝎社日新葬者封土清明植柳於門携牲醴上墳祭掃掛紙於墓

十五日開盟山進香祈畢歲無恙癘集

八日續如之

麥秋時農人樵麥中野以網包盛之老幼婦女率瓦樵者
後就拾遺穗多者以斗計莫之禁獲從網包中探去謂
之掏包未樵者私拔去謂之掇邊雖少立見詬詈

端午貼太師符食角黍飲菖歎酒簪艾虎佩長命縷女子
未嫁婿家以食物餉之曰追節六月六日九月九日亦如
之

六月六日曝書籍衣裳

七夕女子陳瓜果祭織女穿七孔針乞巧

中元節墓祭如清明

八月十五夜婦女設瓜果拜月

九日蒸棗糕擗菊相饋

十月朔墓祭如中元製紙衣焚墓側謂之送寒衣農家是
祭場謂之閉場門

冬至日俗不甚重人家晚食餛飩

十二月初八日雜米粟棗豆為粥啜之

二十四日具酒菓飴糖祀竈置草豆於竈旁以秣神馬云
俗將朝天也

除夕以酒為帷號神棚蒸香燭其中以祭心神易門神換
桃符書春帖熾炭中庭謂之烘炭爆竹聲不絕有徹夜

眠者謂之守歲自二十四日起俗謂百無禁忌民間婚嫁
多萃於此時鼓樂之聲喧闐里巷

賀仲軾廣儉約曾子曰國奢則示之以儉君子欲化民
厚俗未有不以儉爲先者也傳曰儉德之共也侈惡之
大也儉之爲用不但養物力惜福澤而善養之道寓焉
凡人之耳目心志皆以習俗而移家之父兄不儉而子
弟倍之矣國之長老不儉而少年倍之矣常見浮薄子
弟服飾妖冶飲食豐美車馬僕從鮮麗不知節省之無
功轉覺志願之未足其上焉者陳札設茗園史書盡直
欲彷彿乎先生大人之事以爲逸韻而身心之實際乃

日滿而不自知爲人無行義之實服官無濟時之用豈
盡喪之降才爾殊皆自奢之一念釀之祟也而下此者
無論矣夫戒無益之煩文節不情之浪費孰非崇禮歸
於篤實人有同願然而終莫矯之者憚於身爲之先也
不知取人心之同然而實相勸勉夫豈有不應者且夫
少年踰分之事家之父兄國之長老有能與指而肯讓
之雖有私心欲自詭異亦將漸沮而不敢示人廷亦訓
不善俗之背繁而善養深矣乎曰以約失之者鮮可不
務乎余家世簡淡常恐日用之費流於非分而不自覺
譬如蠶子張筵終不足以示大方而提遠直心不如返

善初之愈也舊日原有儉約而事或未備用更采輯
正推廣舊意條爲數端雖卑之無甚高論然庸行之
正無取其能奇願與二三同志兄弟身體而力行之若
由一家推之一邑是又在邑中之先生長者敦崇節儉
樹之風聲非軾所敢及也

